

「三國志集解」補六

今鷹眞

五衛二劉傳第二十一

王粲

○裴注引張璠漢紀：諸危言危行之徒，皆推宗之。（集531上、標597）

論語憲問。子曰、邦有道、危言危行。

○裴注引文士傳：在倉卒之際。（集532上、標598）

論衡禍虛篇。倉卒之世。

校釋引後漢書光武紀下注云、倉卒謂喪亂也。

○而反釋其利器、更徵於他。（集534下、標600）

資治通鑑漢靈帝中平六年據後漢書何進傳載之。胡三省注云、利

器、謂兵柄也。

○惡惡止其身、何乃上及父祖邪。（集535上、標600）

公羊傳昭公二十年。惡惡止其身、善善及子孫。

○裴注引文士傳。士爲知己死、女爲悅者玩。（集535上、標600）

史記刺客列傳。士爲知己者死、女爲說己者容。

○裴注引典略：楨聞荆山之璞、曜元后之寶。（集536下、標601）

韓非子和氏。楚人和氏得玉璞楚山中、奉而獻之厲王。厲王使玉

人相之、玉人曰、石也。王以和爲誑而刖其左足。及厲王薨、武

王卽位。和又奉其璞而獻之武王。武王使玉人相之、又曰、石也。

王又以和爲誑而刖其右足。武王薨、文王卽位。和乃抱其璞而哭

於楚山之下、三日三夜、泣盡而繼之以血。王聞之、使人問其故、

曰、天下之刖者多矣、子奚哭之悲也。和曰、吾非悲刖也、惡夫

寶玉而題之以石、貞士而名之以誑、此吾所以悲也。王乃使玉人

理其璞而得寶焉、遂命曰和氏之璧。

王先慎集解曰、楚山（楚山之下之楚山）當作荆山、涉上文得玉

於楚山而誤。藝文類聚荆山下引正作荆山、白孔六帖同。

史記李斯列傳正義。卞和璧、始皇以爲傳國寶也。

○又：隨侯之珠、燭衆士之好。（集536下、標601）

淮南子覽冥訓：譬如隨侯之珠、和氏之璧、得之者富、失之者貧。

高誘注曰、隨侯、漢東之國、姬姓諸侯也。隨侯見大蛇傷斷、以

藥傅之、後蛇于江中銜大珠以報之、因曰隨侯之珠。

○又：南垠之金、登窈窕之首。（集536下、標601）

詩魯頌泮水。元龜象齒、大賂南金。

毛傳曰、南、謂荆楊也。

鄭箋曰、荆楊之洲、貢金三品。

南垠之金蓋謂南金也。垠・沂同、限也、界也。

○而偉長獨懷文抱質、恬淡寡欲、有箕山之志、可謂彬彬君子矣。

(集537上、標602)

文選李善注。論語(雍也)。子曰、文質彬彬、然後君子。呂氏

春秋(求人)曰、昔堯朝許由於沛澤之中曰、請屬天下於夫子、

許由遂之箕山之下。

○德璉常斐然有述作意。(集537上・下、標602)

文選李善注。論語(公冶長)斐然成章。又(述而)曰、述而不

作。

○昔伯牙絕絃於鍾期、仲尼覆醢于子路、痛知音之難遇、傷門人之莫

逮也。(集537下、標602)

文選李善注。呂氏春秋(孝行覽本味)曰、子期死而伯牙乃破琴

絕絃。禮記(檀弓上)曰、孔子哭子路於中庭、有人弔者、而夫

子拜之、即哭、進使者而問故、使者曰、醢之矣、遂命覆醢。

○裴注引魚豢之言：然君子不責備於一人。(集539下、標604)

論語微子。無求備於一人。

○裴注引魏略文帝與吳質書：元瑜長逝、化爲異物。(集545上、標608)

文選李善注。鵬鳥賦曰、化爲異物、又何足患。

○又：方今麇賓紀辰、景風扇物。(集545上、標608)

文選李善注。禮記(月令)曰、仲夏之月、律中蕤賓。易通卦驗

曰、夏至則景風至。

○又：節同時異、物是人非、我勞如何。(集545江、標608)

文選李善注。毛詩(小雅縣蠻)曰、道之云遠、我勞如何。

○又：三年不見、東山猶歎其遠。(集545上、標608)

文選李善注。毛詩(幽風東山)曰、我徂東山、滔滔(今毛詩滔

滔作惛惛)不歸、自我不見、于今三年。

○又：後生可畏、來者難誣。(集545下、標608)

文選李善注。論語(子罕)。子曰、後生可畏、焉知來者之不如

今。

○又：光武言、年已三十、在軍十年、所更非一。(集545下、標609)

文選李善注。東觀漢紀。光武賜隗囂書曰、吾年已三十餘、在兵

中十歲、所更非一、厭浮語虛辭耳。

○又：以犬羊之質、覆虎豹之文、無衆星之明、假日月之光。(集545

下、標609)

文選李善注。法言(吾子)曰、敢問質、曰、羊質而虎皮、見草

而悅、見豺而戰。文子(上德)曰、百星之明、不如一月之光。

賈子曰、主之與臣、若日月之與星也。

○又：少壯眞當努力。(集545、標609)

文選李善注。古詩曰、少壯不努力、老大乃傷悲。

○又：年一過往、何可攀援。(集545下、標609)

文選李善注。莊子(秋水)。北海若曰、年不可攀、時不可止、

消息盈虛、終則又始。

○又：古人思秉燭夜游，良有以也。（集545下、標609）

文選李善注。古詩曰：晝短苦夜長，何不秉燭遊。

○裴松之引與質書：瓶罄疊恥，能無懷愧。（集546上、標609）

詩小雅蓼莪。餅之罄矣，維疊之恥。

劉廣

○裴注所引劉向新序、逸文也。史記孔子世家·說苑權謀·孔子家語

困誓·孔叢子記聞亦載此事。（集549下·550上、標614）

○裴注引新書：故刳胎焚林，則麒麟不臻。覆巢破卵，則鳳皇不翔。

竭澤而漁，則龜龍不見。（集550上、標614）

呂氏春秋有始覽應同。夫覆巢毀卵，則鳳皇不至。刳獸食胎，則

麒麟不來。乾澤涸漁，則龜龍不住。

○又：故虎嘯而谷風起，龍興而景雲見。（集550上、標614）

淮南子天文訓。虎嘯而谷風至，龍舉而景雲屬。

東方朔七諫謬諫。虎嘯而谷風至兮，龍舉而景雲往。

○又：夫物類之相感、精神之相應。（集550上、標614）

東方朔七諫謬諫。音聲之相和兮，言物類之相感也。

○又：若響之應聲、影之象形。（集550上、標614）

史記樂書。如景之象形、響之應聲。

○又：故君子違傷其類者。（集550上、標614）

史記孔子世家。刳胎殺夭，則麒麟不至郊。竭澤涸漁，則蛟龍不

合陰陽。覆巢毀卵，則鳳皇不翔。何則，君子諱傷其類也。

○裴注引廣別傳：悔吝之負，哀號靡及。（集550上、標614）

易繫辭傳上。悔吝者，憂虞之象也。

○裴注引傅子：丁公順高祖以受戮。（集550下、標615）

漢書季布傳。布母弟丁公爲項羽將，遂窘高祖彭城西，短兵接、

漢王急，顧謂丁公曰，兩賢豈相戾哉。丁公引兵而還。及項王滅、

丁公謁見。高祖以丁公徇軍中曰，丁公爲項王臣不忠，使項王失

天下者也。遂斬之。

○王者不以人廢言。（集550下、標615）

論語衛靈公。子曰，君子不以言舉人，不以人廢言。

○必以近察遠。（集550下、標615）

淮南子齊俗訓。孔子之明，以小知大，以近知遠。

○不恥於下問。（集550下、標615）

論語公冶長。子曰，敏而好學，不恥下問。

○故文王伐崇，三駕不下，歸而脩德，然後服之。（集551上、標615）

左傳僖公十九年。文王聞崇德亂而伐之，崇人三旬不降，退修教

而復伐之，因壘而降。

又襄公九年杜預注曰，三駕，三興師。

○土崩之勢。（集551上、標615）

史記主父偃列傳。徐樂曰，臣聞天下之患，在土崩，不在於瓦解，

古今一也。何謂土崩，秦之末世是也。

○裴注引廣別傳：此非厚己輔仁之謂也。（集551上、標616）

論語顏淵。曾子曰，君子以文會友，以友輔仁。

○揚湯止沸、使不焦爛。(集551下、標616)

淮南子精神訓。故以湯止沸、沸之不止、誠知其本則去火而已矣。

○裴注引虞別傳載虞表論治道：昔者周有亂臣十人、有婦人焉、九人而已。孔子稱才難、不其然乎。(集551下、標616)

論語泰伯。武王曰、予有亂臣十人。孔子曰、才難、不其然乎。

唐虞之際、於斯為盛。有婦人焉、九人而已。

劉劭

○裴注引文章敍錄所載杜摯詩：伊摯為勝臣。(集557上、標622)

史記殷本紀。伊尹名阿衡。阿衡欲奸湯而無由、乃為有莘氏媵臣、負鼎俎、以滋味說湯、致于王道。

史記索隱。孫子兵書、伊尹名摯。

○又：呂望身操竿。(集557上、標622)

史記齊太公世家。呂尚蓋嘗窮困、年老矣。以漁釣奸周西伯。西伯將出獵、卜之。曰、所獲非龍非虺、非虎非熊、所獲霸王之輔。

於是周西伯獵、果遇太公於渭之陽。與語大說曰、自吾先君太公曰、當有聖人適周、周以興。子真是邪。吾太公望子久矣。故號

之曰太公望、載與俱歸、立為師。

○又：夷吾困商販。(集557上、標622)

史記管仲列傳。管仲夷吾者、潁上人也。管仲曰、吾始困時、嘗與鮑叔賈、分財利、多自與、鮑叔不以我為貪、知我貧也。

○又：甯戚對牛歎。(集557上、標622)

史記鄒陽列傳。甯戚飯牛車下、而桓公任之以國。

呂氏春秋離俗覽舉難。甯戚欲干齊桓公、窮困無以自進。於是為商旅將任車以至齊、暮宿於郭門之外。桓公郊迎客、夜開門、辟

任車、燭火甚盛、從車甚衆。甯戚飯牛居車下、望桓公自悲、擊

牛角疾歌。桓公聞之、撫其僕之手曰、異哉、之歌者非常人也、

命後車載之。

○又：食其處監門。(集557上、標622)

漢書酈食其傳。酈食其、陳留高陽人也。好讀書。家貧落魄、無衣食業、為里監門。然吏縣中賢豪不敢役、皆謂之狂生。

○又：淮陰飢不餐。(集557上、標622)

漢書韓信傳。韓信、淮陰人也。家貧無行、不得推擇為吏、又不能治生為商賈、常從人寄食。信從下鄉南昌亭長食、亭長妻苦之、

迺晨炊蓐食、食時信往、不為具食、信亦知其意、自絕去。至城

下釣、有一漂母、哀之飯信、竟漂數十日、信謂漂母曰、吾必重報母、母怒曰、大丈夫不能自食、吾哀王孫而進食、豈望報乎。

○又：買臣老負薪、妻畔乎不還。(集557上、標622)

漢書朱買臣傳。朱買臣、字翁子、吳人也。家貧、好讀書、不治產業。常艾薪樵、賣以給食。擔束薪、行且誦書。其妻亦負戴相

隨、數止買臣、毋歌嘔道中。買臣愈益疾歌。妻羞之、求去。買臣笑曰、我年五十當貴、今已四十餘矣、女苦日久、待我富貴、

報女功。妻恚怒曰、如公等終餓死溝中耳、何能富貴。買臣不能

留、即聽去。

○又：釋之宦十年，位不增故官。（集557上、標622）

漢書張釋之傳。張釋之，字季，南陽堵陽人也。與兄仲同居，以賢為騎郎，事文帝十年，不得調，亡所知名。釋之曰：久宦減仲之產不遂，欲免歸。中郎將爰盎知其賢，惜其去，乃請徙釋之補謁車。釋之既朝畢，因前言便宜事。文帝稱善，拜釋之為謁車僕射。

○又：無知不在此。（集557上、標622）

漢書陳平傳。平遂至脩武降漢，因魏無知求見漢王，漢王召入，是時萬石君奮為中涓，受平謁。平等十人俱進賜食，王曰：罷，就舍矣。平曰：臣為事來，所言不可以過今日。於是漢王與語而說之。問曰：子居楚何官。平曰：為都尉。是日拜平為都尉。

○又：袁盎未有言。（集557上、標622）

前注漢書張釋之傳參照。史記、爰盎作袁盎。

○又：榮衛動不安。（集557得、標622）

黃帝內經素問熱論。五藏已傷，六府不通，榮衛不行，如是之後，三日乃死。

○又：聞有韓衆藥。（集557上、標62）

楚辭遠遊洪興祖補注。列仙傳、齊人韓終，為王採藥，王不肯服，終自服之，遂得仙也。

太平御覽藥部一。唐子曰：仙人韓終即韓憑之兄，為宋王採藥，王不肯服之，終因服之，遂得仙。

又。列僊傳曰：燕王遺韓終採藥，王先使韓終服之，面如金色。

○又母丘儉答詩：胡康出壟畝，楊偉無根基。（集557上、標622）

「三國志集解」補內（今鷹）

案胡康·楊偉魏時人也。胡康不祥。楊偉明帝時為尚書郎（高堂隆傳裴注引魏略），齊王芳時為曹爽參軍（曹真附爽傳），裴注引世語曰：偉字世英，憑翊人。

○又：駿驥骨法異，伯樂觀知之。（集557上、標622）

列子說符。伯樂曰：良馬可形容筋骨相也。（淮南子道應訓。良馬下有者字、可下有以字）

傅殿

○裴注引傅子：二賢不睦，非國之利，此藺相如所以下廉頗也。（集557下、標624）

史記廉頗藺相如列傳。趙王既罷歸國，以相如功夫大，拜為上卿，位在廉頗之右。廉頗曰：我為趙將，有功城野戰之大功，而藺相如徒以口舌為勞，而位居我上。且相如素賤人，吾羞，不忍為之下。宣言曰：我見相如，必辱之。相如聞，不肯與會。相如每朝時，常稱病，不欲與廉頗爭列。已而相如出，望見廉頗，相如引車避匿。於是舍人相與諫曰：臣所以去親戚而事君者，徒慕君之高義也。今君與廉頗同列，廉君宣惡言，而君畏匿之，恐懼殊甚。且庸人尚羞之，況於將相乎。臣等不肖，請辭去。藺相如固止曰：公之視廉將軍，孰與秦王。曰：不若也。相如曰：夫以秦王之威而相如廷叱之，辱其羣臣。相如雖驚，獨畏廉將軍哉。顧吾念之，彊秦之所以不敢加兵於趙者，徒以吾兩人在也。今兩虎共鬪，其勢不俱生。吾所以為此者，以先國家之急而後私讎也。廉頗聞之、

肉袒負荊、因賓客、至蘭相如謝罪。曰、鄙賤之人、不知將軍寬之至此也。卒相與驩、爲刎頸之交。

○又：所謂利口覆邦國之人也。(集557下、標624)
書周官。無以利口亂厥官。

○苟非其才、則道不虛行。(集557下、標623)

易繫辭傳下。苟非其人、道不虛行。

○神而明之、存乎其人。(集557下、標623)

易繫辭傳下。神而明之、存乎其人。

○有始不必善終。(集559上、標625)

詩大雅蕩。靡不有初、鮮克有終。

史記樂毅傳。善始者不必善終。

○有同舟之懼。(集559上、標625)

孫子九地。吳人與越人相惡也、當其同舟而濟、遇風、其相救也如左右手。

○昔樊噲願以十萬之衆、橫行匈奴、季布面折其短。(集559上、標625)

漢書匈奴傳上。高后時、冒頓寢驕、迺爲書使使遺高后曰、孤債之君、生於沮澤之中、長於平野牛馬之域、數至邊境、願遊中國。陛下獨立、孤債獨居、兩主不樂、無以自虞。願以所有、易其所無。高后大怒、召丞相及樊噲·季布等、議斬其使者、發兵而擊之。樊噲曰、臣願得十萬衆、橫行匈奴中。問季布。布曰、噲可斬也。前陳豨反於代、漢兵三十二萬、噲爲上將軍、時匈奴圍高帝於平城、噲不能解圍。天下歌之曰、平城之下亦誠苦、七日不

食、不能設弩。今歌噲之聲未絕、傷痍者甫起。而噲欲搖動天下、妄言以十萬衆橫行。是面諛也。且夷狄譬如禽獸、得其善言不足喜、惡言不足怒也。高后曰、善。

○裴注引司馬彪戰略所載殿對：相國宣文侯先識取亂侮亡之義。(集559下、標626)

左傳宣公十二年。仲虺有言曰、取亂侮亡、兼弱也。

○又：策之而知得失之計、角之而知有餘不足。(集560上、標626)

孫子虛實篇。故策之而知得失之計、作之而知動靜之利、形之而知死生之地、角之而知有餘不足之處。

○又：故敵逸能勞之、飽能飢之。(集560上、標626)

孫子虛實篇。故敵佚能勞、飽能飢之。安能動之。

○又：左提右挈。(集560上、標626)

漢書張耳陳餘傳。左提右挈。

顏師古曰、提挈、言相扶持也。

中井積德曰、相與連軍而進。

○李信求以二十萬獨舉楚人、而果辱秦軍。(集560上、標627)

史記王翦列傳。秦將李信者、年少壯勇、嘗以兵數千逐燕太子丹、至於衍水中、卒破得丹。始皇以爲賢勇。於是始皇問李信。吾欲攻取荆、於將軍度用幾何人而足。李信曰、不過用二十萬人。始皇問王翦。王翦曰、非六十萬人不可。始皇曰、王將軍老矣、何怯也。李將軍果勢壯勇、其言是也。遂使李信及蒙恬將二十萬南伐荆。王翦言不用、因謝病歸老於頰陽。李信攻平與、蒙恬攻寢、

大破荆軍。信又攻鄢·郢破之。於是引兵而西、與蒙恬會城父。
荆人因隨之、三日三夜不頓舍、大破李信軍、入兩壁、殺七都尉。
秦軍走。始皇聞之大怒、自馳如頻陽、見謝王翦曰、寡人以不用
將軍計、李信果辱秦軍。

評

○同聲相應、才士並出。(集561下、標629)
易乾卦文言。子曰、同聲相應、同氣相求。

桓二陳徐衛盧傳第二十二
桓階

○其將順匡救、多此類也。(集564上、標632)

孝經事君章。將順其美、匡救其惡。

○吾方託六尺之孤、寄天下之命於卿。(集564上、標632)
論語泰伯。曾子曰、可以託六尺之孤、可以寄百里之命。

陳羣

○易著剗削滅趾之法。(集565下、標634)

易困卦九五。剗削、困于赤紱。

又噬嗑卦初九。履校滅趾。

○自吾有回、門人日以親。(集566上、標635)

史記仲尼弟子列傳。孔子曰、自吾有回、門人益親。

○詩稱儀刑文王、萬邦作孚。(集566下、標635)

大雅文王。

○又曰、刑于寡妻、至于兄弟、以御于家邦。(集566下、標635)

大雅思齊。

○防墓有不脩之儉。(集567上、標636)

禮記檀弓上。孔子既得合葬於防。曰、吾聞之、古也墓而不墳。

今丘也東西南北之人也。不可以弗識也。於是封之、崇四尺。孔

子先反、門人後、兩甚至、孔子問焉、曰、爾來何遲也。曰、防

墓崩。孔子不應。孔子泫然流涕曰、吾聞之、古不脩墓。

○嬴博有不歸之魂。(集567上、標636)

禮記檀弓下。延陵季子適齊、於其反也、其長子死、葬於嬴博之

間。孔子曰、延陵季子、吳之習於禮者也。往而觀其葬焉、其坎

深不至於泉、其斂以時服、既葬而封、廣輪揜坎、其高可隱也、

即封、左袒、右還其封、且號者三、曰、骨肉歸復于土、命也、

若魂氣則無不之也、無不之也、而遂行。孔子曰、延陵季子之於

禮也、其合矣乎。

○夫大人動合天地。(集567上、標636)

易乾卦文言。夫大人者與天地合其德。

○禹承唐虞之盛、猶卑宮室而惡衣服。(集567下、標636)

論語泰伯。子曰、禹、吾無間然矣。非飲食而致孝乎鬼神、惡衣

服而致美乎黻冕、卑宮室而盡力乎溝洫。禹、吾無間然矣。

○裴注引孫盛：詩云、斯言之玷、不可爲也。(集568上、標637)

大雅抑。

○裴注引袁子：豈非所謂王臣蹇蹇、匪躬之故者歟。(集568下、標638)
易蹇卦六二。王臣蹇蹇、匪躬之故。

注、處難之時、履當其位、居不失中、以應於五(疏云、王謂五也、臣謂二也)。不以五在難中、私身遠害。執心不回、志匡王室者也。

○孫子曰、兵有所不擊、地有所不守。(集569下、標639 640)

孫子九變篇。軍有所不擊、城有所不攻、地有所不爭。

○兵書云、脩櫓輶、三月乃成、拒堙、三月而後已。(集570上、標

640)

孫子謀攻篇。攻城之法、爲不得已。修櫓輶、具器械、三月而後成、距闔、又三月而後已。

○所謂疾雷不及掩耳。(集570上、標640)

六韜軍勢篇及淮南子兵略訓之言。

○裴注引魏氏春秋：帝之崩也、大傅司馬孚、尚書右僕射陳泰枕帝尸於股、號哭盡哀。(集571上、標642)

春秋襄公二十五年。夏五月乙亥、齊崔杼弑其君光。

左傳。(晏子)門啓而入、枕尸股而哭、興三踊而出。

杜注曰、以公尸枕己股。

陳矯

○縱無申胥之效。(集572上、標643)

史記伍子胥列傳。始伍員與申包胥爲交。員之亡也、謂包胥曰、

我必覆楚。包胥曰、我必存之。及吳兵入郢、伍子胥求昭王、既不得。乃掘楚平王墓、出其尸、鞭之三百、然後已。於是申包胥走秦告急、求救於秦。秦不許。包胥立於秦廷、晝夜哭、七日七夜、不絕其聲。秦哀公憐之曰、楚雖無道、有臣若是、可無存乎。乃遣車五百乘、救楚擊吳。

○漢約三章之法。(集572下、標643)

漢書高帝紀。吾與諸侯約、先入關者王之。吾當王關中、與父老約法三章耳。殺人者死、傷人及盜抵罪。餘悉除去秦法。

徐宣

○高祖用陳平之智而託後於周勃也。(集574上、標646)

漢書高帝紀。呂后問曰、陛下百歲後、蕭相國既死、誰令代之。

上曰、曹參可。問其次。曰、王陵可、然少戇、陳平可以助之。

陳平知有餘、然難獨任。周勃重厚少文、然安劉氏者必勃也、可令爲太尉。

衛臻

○臣松之之言：一犬吠形、羣犬吠聲。(集576上、標649)

潛夫論賢難。諺曰、一犬吠形、百犬吠聲。

盧毓

○裴注引續漢書：昔武王入殷，封商容之閭。（集577上、標650、651）

史記殷本紀。釋百姓之困，表商容之閭。

○又：鄭喪子產而仲尼隕涕。（集576上、標651）

左傳昭公二十年。及子產卒，仲尼聞之出涕曰，古之遺愛也。

○又：春秋之義，賢者之後，有異於人。（集577下、標651）

公羊傳昭公二十年。惡惡止其身，善善及子孫。賢者子孫，故君子爲之諱也。

又昭公三十一年。賢者子孫宜有地也。

○又禮未廟見之婦而死，歸葬女氏之黨，以未成婦也。（集577下、標

650）

禮記曾子問。曾子問曰，女未廟見而死，則如之何。孔子曰，不

遷於祖，不祔於皇姑，壻不杖，不菲，不次，歸葬于女氏之黨，

示未成婦也。

○則若同牢合卺之後。（集577下、標650）

禮記昏義。婦至，壻揖婦以入，共牢而食，合卺而醕，所以合體

同尊卑以親之也。

鄭注曰，共牢而食，合卺而醕，成婦之義。

○且記曰附從輕、（集577下、標650）

禮記王制。附從輕，赦從重。

鄭注曰，附、施刑也。

○又書云，與其殺不辜，寧失不經。（集577下、標650）

此文見大禹謨。大禹謨僞書也。不知毓所據。

○古之聖王恐不聞其過，故有敢諫之鼓。（集578上、標651）

淮南子主術訓。古者天子聽朝，公卿正諫，……猶以爲未足也。

故堯置敢諫之鼓……

○古者敷奏以言，明試以功。（集578上、標652）

書舜典。敷奏以言，明試以功。

和常楊杜趙裴傳第二十三

和洽

○辟爭地也。（集580上、標655）

孫子九地篇。吾得則利，彼得亦利者，爲爭地。

○裴注引孫盛之言：非聖王所以陶化民物，閑邪存誠之道。（集580下、

標656）

淮南子本經訓。天地之合和，陰陽之陶化萬物。

易乾卦文言。庸言之信，庸行之謹，閑邪存其誠，善世而不伐，

德博而化。

疏云，閑邪存其誠者，言防閑邪惡，當自存其誠實也。

○今聖恩垂舍垢之仁。（集581上、標656）

左傳宣公十五年。國君舍垢。

○國以民爲本，民以穀爲命。（集581上、標657）

漢書酈食其傳。王者以民爲天，而民以食爲天。

○裴注引汝南先賢傳。所歷之國，必翔而後集。（集582下、標658）

論語鄉黨。色斯舉矣，翔而後集。

常林

○裴注引魏略。漢末爲諸生，帶經耕鋤。其妻自餽餉之，林雖在田野，其相敬如賓。(集582下、標659)

左傳僖公三十三年。初臼季使過冀，見冀缺耨。其妻饋之敬，相待如賓。

○裴注引魏略：不恥惡衣惡食，而恥一物之不知。(集584上、標660)

論語里仁。子曰：士志於道，而恥惡衣惡食者，未足與議也。

法言君子。聖人之於天下，恥一物之不知。

○又：室如懸磬。(集584上、標661)

國語魯語上。室如懸磬。

○又：亦心疾不義而貴且富者。(集584上、標661)

論語述而。不義而富且貴，於我如浮雲。

○亦：陽虎瑣璫，甚於暴骨。(集584下、標662)

左傳定公五年。六月，季平子行東野，還未至，丙申，卒于房。

陽虎將以瑣璫斂。

杜注曰：瑣璫、美玉，君所佩。

○又：此言儒學撥亂反正，鳴鼓矯俗之大義也。(集584下、標662)

公羊傳哀公十四年。撥亂世，反諸正。

論語先進。小子鳴鼓而攻之可也。

○又：未是夫窮理盡性、陶冶變化之實論也。(集584下、標662)

易說卦傳。窮理盡性以至於命。

○又：若能原始要終，以天地爲一區，萬物爲芻狗。(集584下、標662)

易繫辭傳下。原始要終。

老子第五章。天地不仁，以萬物爲芻狗。

○又：夫道之爲物，惟恍惟惚。(集584下、標662)

老子第二十一章。道之爲物，惟恍惟惚。

○又：昔莊周闔達，無所適莫。(集584下585上、標662)

莊子列禦寇。莊子將死，弟子欲厚葬之。莊子曰：吾以天地爲棺

槨，以日月爲連璧，星辰爲珠璣，萬物爲齋送。吾葬具豈不備邪。

○又：豈復識古有衣薪之鬼，而野有狐狸之鬻乎哉。(集585上、標662)

易繫辭傳下。古之葬者，厚衣之以薪，葬之中野，不封不樹，喪

期無數。

○又：代匠傷指。(集585上、標662)

老子第七十四章。夫代大匠斲者，希有不傷其手矣。

○又：狼跋首尾。(集585上、標662)

詩豳風狼跋。狼跋其胡，載蹇其尾。

毛傳曰：跋、躓。蹇、踳也。老狼有胡，進則躓其胡，退則踳

其尾，進退有難。

○又：如不可求，從吾所好。(集585上、標662)

論語述而。子曰：富而可求也，雖執鞭之士，吾亦爲之。如不可

求，從吾所好。

楊俊

○宣力輦轂，熙帝之載。(集586上、標663)

書舜典。有能奮庸、熙帝之載。

杜襲

○太祖令曰、釋騏驥而不乘、焉皇皇而更索。(集587下、標666 667)

宋玉九辯五。卻騏驥而不乘兮、策驚駘而取路。

趙儼

○方今天下未集、諸郡並叛。(集588下、標668)

史記淮陰侯列傳。太史公曰、天下已集、乃謀畔逆。

○裴注引孫盛之言：盛聞爲國以禮、民非信不立。(集590上、標670)

論語先進。爲國以禮。

又顏淵。民無信不立。

○又：故能隆刑措之道。(集590上、標670)

史記周本紀。故成康之際、天下安寧、刑錯四十餘年不用。

又：建一匡之功。(集590上、標670)

檢諸書、一匡之語、無用晉文例。

裴潛

○裴注引陸機惠帝起居注：民之望也。(集593上、標673)

左傳襄公十四年。夫君神之主而民之望也。

○裴注引魏略：春秋之義、王人雖微、列于諸侯之上。(集594下、標

675)

公羊傳僖公八年。王人者何、微者也。曷爲序乎諸侯之上、先王命也。

○又：植知其枝柱難窮。(集594下、標675)

漢書地理志下顏師古注。枝柱、言意相節卻、不順從也。

○裴注引魚豢之言：世稱君子之德其猶龍乎、蓋以其善變也。(集594下、標676)

史記老子列傳。孔子曰、吾今日見老子、其猶龍邪。

易革卦上六。君子豹變。

韓崔高孫王傳第二十四

韓暨

○裴注引春秋傳：春秋傳曰、命我先人典司宗祏。注曰、宗廟所以藏

主石室者。(集597下、標678)

左傳莊公十四年之傳文及杜注。

○澡身浴德(集597下、標678)

禮記儒行。儒有澡身而浴德。

○裴注引楚國先賢傳：夫俗奢者示之以檢、檢則節之以禮。(集597下、標678)

禮記檀弓下。國奢則示之以檢、國檢則示之以禮。

○又：曾參臨沒、易簣以禮。(集598上、標678)

禮記檀弓上。曾子寢疾病。樂正子春坐於牀下、曾元·曾申坐於足、童子隅坐而執燭。童子曰、華而晡、大夫之簣與。子春曰、

止。曾子聞之、瞿然而呼、曰、華而晄、大夫之贊與。曾子曰、然、斯季孫之賜也、我未之能易也、元起易贊。曾元曰、夫子之病革矣、不可以變、幸而至於旦、請敬易之。曾子曰、爾之愛我也、不如彼、君子之愛人也以德、細人之愛人也以姑息、吾何求哉、吾得正而斃焉、斯已矣。舉扶而易之、反席未安而沒。

鄭注曰、贊、謂牀第也。

○又：晏嬰尚儉、遺車降制。(集598上、標678)

晏子春秋內篇雜下。晏子朝、乘弊車、駕駑馬。景公見之曰、嘻、夫子之祿寡耶、何乘不任之甚也。晏子對曰、賴君之賜、得以壽三族、及國遊士皆得生焉、臣得煖衣飽食、弊車駑馬、以奉其身、于臣足矣。晏子出、公使梁丘據遣之輅車乘馬、三返不受。公不說、趣召晏子。晏子至、公曰、夫子不受、寡人亦不樂。晏子對曰、君使臣臨百官之吏、臣節其衣服飲食之養、以先國之民、然猶恐其侈靡而不顧其行也。今輅車乘馬、君乘之上、而臣亦乘之下、民之無義、侈其衣服飲食而不顧其行者、臣無以禁之。遂讓不受。

崔林

○裴注引魏名臣奏：傳曰、舉爾所知。(集598下、標679)

論語子路。仲弓爲季氏宰、問政。子曰、先有司、赦小過、舉賢才。曰、焉知賢才而舉之。曰、舉爾所知、爾所不知、人其舍諸。

○又：昔蕭何薦韓信。(集599上、標680)

漢書韓信傳。(韓信)數與蕭何語、何奇之。信度何等已數言、上不我用、即亡。何聞信亡、不及以聞、自追之。人有言上曰、丞相何亡。上怒、如失左右手。居一二日、何來謁。上且怒且喜、罵何曰、若亡何也。何曰、臣非敢亡、追亡者耳。上曰、所追者誰也。曰、韓信。上復罵曰、諸將亡者以十數、公無所追、追信詐也。何曰、諸將易得、至如信國士無雙。至必欲長王漢中、無所事信、必欲爭天下、非信、無可與計事者。顧王策安決。

○又：鄧禹進吳漢。(集599上、標680)

後漢書吳漢傳。漢爲人質厚少文、造次不能以辭自達。鄧禹及諸將多知之、數相薦舉、及得召見、遂見親信、常居門下。光武將發幽州兵、夜召鄧禹、問可使行者。禹曰、聞數與吳漢言、其人勇鷙、有智謀、諸將鮮能及者、即拜漢大將軍。

○且萬目不張舉其綱。(集600上、標680)

呂氏春秋離俗覽用民。壹引其紀、萬目皆起、壹引其綱、萬目皆張。

○皋陶仕虞、伊尹臣殷、不仁者遠。(集600上、標680)

論語顏淵。子夏曰、舜有天下、選於衆、舉皋陶、不仁者遠矣。湯有天下、選於衆、舉伊尹、不仁者遠矣。

○易曰、易簡、自天下之理得矣。(集600上、標680)

繫辭傳上之文。

○裴注臣松之之言：臣松之以爲漢封丞相邑、爲苟悅所譏。(集600上、

標681)

荀悅漢紀卷十二。丞相封侯自弘始也。荀悅曰、丞相始拜而封、非典也。夫封必以功、不聞以位、孔子曰、如有可譽、必有所試矣。譽必待試、況於賞乎。易曰、鼎折足、覆公餗。其刑（易作形）渥、凶。若不勝任、覆亂鼎實、刑將加之、況於封乎。

○長吏奉祀、尊爲貴神。（集600上、標601）

左傳昭公二十九年。祀爲貴神。

○周武王封黃帝堯舜之後。（集600下、標681）

史記周本紀。武王追思先聖王、乃褒封神農之後於焦、黃帝之後於祝、帝堯之後於薊、帝舜之後於陳、大禹之後於杞。

禮記樂記。武王克殷反商、未及下車、而封黃帝之後於薊、封帝堯之後於祝、封帝舜之後於陳、下車而夏后氏之後於杞、投殷之後於宋。

○及立三恪。（集600下、標681）

左傳襄公二十五年。以備三恪。

杜注曰、周得天下、封夏殷二王後、又封舜後、謂之恪。并二

王後爲一國、其禮轉降、示敬而已、故曰三恪。

疏曰、郊持牲云、天子存二代之後、猶尊賢也。尊賢不過二代、

鄭玄以此謂杞宋爲二代之後、薊祝陳爲三恪。

○無復重祀於非族也。（集600下、標681）

左傳僖公十年。民不祀非族。

禮記祭法。非此族也、不在祀典。

○裴注臣松之之言：臣松之以爲孟軻稱宰我之辭曰、以予觀夫子、賢

於堯舜遠矣。又曰、生民以來、未有盛於孔子者也。（集600下、標

682）

見公孫丑上。

○又：周監二代、斯文爲盛。（集600下、標682）

論語八佾。子曰、周監於二代、郁郁乎文哉。

○又：加以聖賢不興、曠年五百。（集600下、標682）

孟子盡心下。由文王至於孔子、五百有餘歲。

○又：可謂多見其不知量。（集600下、標682）

論語子張。多見其不知量也。

高柔

○是以舜流四凶族、皋陶作士。（集602上、標684）

史記五帝本記。昔帝鴻氏有不才子、掩義隱賊、好行凶惡、天下謂之渾沌。少皞氏有不才子、毀信惡忠、崇飾惡言、天下謂之窮奇。顓頊氏有不才子、不可教訓、不知話言、天下謂之檮杌。此三族世憂之、至于堯、堯未能去。緡雲氏有不才子、貪于飲食、冒于貨賄、天下謂之饕餮。天下惡之、此之三凶。舜賓於四門、乃流四凶族、遷于四裔、以御魘魅。

又。舜曰、皋陶、蠻夷猾夏、寇賊姦軌、汝作士。五刑有服、五服三就、五流有度、維明能信。

○漢祖除秦苛法、蕭何定律。（集602上、標608）

漢書刑法志。漢興、高祖初入關、約法三章、曰、殺人者死、傷

人及盜抵罪。蠲削煩苛，兆民大說。其後四夷未附，兵革未息，三章之法，不足以禦姦。於是相國蕭何撰摠秦法，取其宜於時者，作律九章。

○昔周公作誥，稱殷之祖宗。(集602下、標684)

書多士。乃命爾先祖成湯革夏，俊民甸四方，自成湯至帝乙，罔不明德恤祀，又惟天丕建保乂有殷，殷王亦罔敢失帝，罔不配天其澤。

○在漢太宗，亦除妖言誹謗之令。(集602下、標684)

漢書文帝紀。(二年)五月，詔曰，古之治天下，朝有進善之旌，誹謗之木，所以通治道而來諫者也。今法有誹謗詆言之罪，是使衆臣不敢盡情，而上無由聞過失也。將何以來遠方之賢良。其除之。

○孔子稱舉善而教，不能則勸。(集603上、標686)

論語爲政之文。

○昔漢文惜十家之資，不營小臺之娛。(集603下、標686)

漢書文帝紀。賛曰，嘗欲作露臺，召匠計之，直百金。上曰，百金，中人十家之產也。吾奉先帝宮室，常恐羞之，何以臺爲。

○去病慮匈奴之害，不遑治第之事。(集603下、標686)

漢書霍去病傳。上爲治第，令視之。對曰，匈奴不滅，無以家爲也。

○昔軒轅以二十五子，傳祚彌遠。(集603下、標686)

史記五帝本紀。黃帝二十五子。其得姓者十四人。黃帝居軒轅之

丘，而娶於西陵氏之女，是爲嫫祖。嫫祖爲黃帝正妃，生二子。其後皆有天下。

○周室以姬國四十，歷年滋多。(集603下、標686)

左傳昭公二十八年。昔武王克商，光有天下，其兄弟之國者十有五人，姬姓之國者四十人。

○熊羆之祥，亦未感應。(集603下、標686)

詩小雅斯干。惟熊惟羆，男子之祥。

○廷尉，天下之平也。(集603下、標687)

漢書張釋之傳。廷尉，天下之平也。

○書稱用罪伐厥死，用德彰厥善。(集604上、標687)

盤庚上。

○原心可恕。(集604上、標687)

漢書薛宣傳。春秋之義，原心定罪。

顏師古曰，原謂尋其本也。

○裴注引孫盛之言：夫貞夫之一，則天地可動。(集604上、標687)

易繫辭傳下。天下之動，貞夫一者也。

○又：機心內萌，則鷗鳥不下。(集604上、標687)

列子黃帝篇。海上之人有好漚鳥者，每且之海上，從漚鳥游，漚鳥之至者，百住而不止。其父曰，吾聞漚鳥皆從汝游，汝取來，吾玩之。明日之海上，漚鳥舞而不下也。

楊伯峻集釋曰，伯峻案，三國魏志高柔傳注引孫盛曰，機心內萌，則鷗鳥不下，則本有鷗鳥故事，而僞作列子者襲取之。孫

盛與張湛時代極近，未必能見列子此書。

○又：勝之以解網之仁。（集604上、標688）

史記殷本紀。湯出、見野張網四面、祝曰、自天下四方、皆入吾網。湯曰、嘻、盡之矣。乃去其三面、祝曰、欲左左、欲右右、不用命乃入吾網。諸侯聞之曰、湯德至矣、及禽獸。

事又見呂氏春秋異用篇·賈子新書禮篇·論誠篇·新書雜事篇。

○又：致之以來蘇之惠。（集604上、標688）

書仲虺之誥。俛予后、后來其蘇。

孔傳。湯所往之民皆喜曰、待我君、來其可蘇息。

○又：亦猶瀆由乎一人、而云俾墜其師、無克遺育之言耳。（集604下、標688）

左傳僖公二十八年。王子虎盟諸侯于王庭、要言曰、皆弊王室、無相害也。有渝此盟、明神殛之、俾墜其師、無克祚國、及其玄孫、無有老幼。

後漢書臧洪傳。盟曰、有渝此盟、俾墜其盟、無克遺育。

○古者一夫不耕、或爲之饑、一婦不織、或爲之寒。（集605上、標689）
管子揆度。一農不耕、民有爲之飢者、一女不織、民有爲之寒者。

孫禮

○雖皋陶猶將爲難。（集607飢之、標692）

書舜典。帝曰、皋陶、蠻夷猾夏、寇賊姦宄、汝作士、五刑有服、五服三就、五流有宅、五宅三居、惟明克允。

〔三國志集解〕補六（今鷹）

孔傳。士、理官也。言皋陶能明信五刑、施之遠近。

○昔成王以桐葉戲叔虞、周公便以封之。（集607上、標692）

史記晉世家。成王與叔虞戲、削桐葉爲珪、以與叔虞曰、以此封若。史佚因請擇日立叔虞。成王曰、吾與之戲耳。史佚曰、天子無戲言、言則史書之、禮成之、樂歌之。於是遂封叔虞於唐。

案呂氏春秋重言、說苑君道皆謂周公封叔虞。

○管仲霸者之佐、其器又小。（集607上、標692）

論語八佾。子曰、管仲之器小哉。

○竊聞衆口鑠金。（集607上、下、標692）

國語周語下。衆口鑠金。

韋昭注。鑠、消也。衆口所毀、雖金石猶可消也。

○浮石沈木。（集607下、標692）

新語辨惑。夫衆口之毀譽、浮石沉木。

○三人成市虎。（集607下、標692）

淮南子說山訓。三人成市虎。

高誘注。三人從市中來、皆言市中有虎、市非虎處、而人信以爲有虎、故曰三人成市虎。

○慈母投其杼（集607下、標692）

戰國策秦策二。昔者曾子處費、費人有與曾子同名族者而殺人。人告曾子之母、曾子之母曰、吾子不殺人、織自若。有頃、人又曰、曾參殺人。其母尚織自若也。頃之、一人又告之曰、曾參殺人、其母懼、投杼逾牆而走。夫以曾參之賢與母之信也、而三人

名古屋大学文学部研究論集(文学)

疑之、則慈母不能信也。